



Komisioneri për Mbrojtjen  
nga Diskriminimi

Commissioner for Protection  
from Discrimination



**Komisionerit për Mbrojtje nga Diskriminimi**

*Adresa: Rruga e Durrësit, nr.27, Tiranë*

*Tiranë Shqipëri.*

*Prot. 1615*

*dt. 20.12.2022*

**Qendrës AMAD**

*Adresa: Rruga "4*

*Dëshmorët",*

*Tiranë Shqipëri*

## MARRËVESHJE BASHKËPUNIMI

*Ndërmjet*

**Komisionerit për Mbrojtjen nga Diskriminimi**

*Dhe*

**Qendrës AMAD**

*Lidhur sot më 20.12.2022, në Tiranë ndërmjet:*

**Institucionit të Komisionerit për Mbrojtjen nga Diskriminimi**, përfaqësuar nga me *adresë Rruga e Durrësit, nr.27, Tiranë Shqipëri*, këtej e tutje e cilësuar si Komisioneri për Mbrojtjen nga Diskriminimi,

dhe

**Organizatës AMAD** përfaqësuar nga znj. Voltiza Prendi, me adresë në *Rr. "4 dëshmorët", nd. 62, Tiranë Shqipëri.*

**Institucioni i Komisionerit për Mbrojtjen nga Diskriminimi dhe organizata AMAD** kanë një eksperiencë dhe përvojë të gjatë në garantimin e zbatimit dhe realizimit të misioneve të përbashkëta në mbrojtjen e të drejtave të njeriut dhe dëshirojnë që të çojnë përpara bashkëpunimin e ndërsjellë ndërmjet tyre në këtë fushë, nëpërmjet nënshkrimit të kësaj Marrëveshjeje Bashkëpunimi, për sa më poshtë:

**Neni 1**

**OBJEKTI**

Kjo marrëveshje ka për objekt institucionalizimin e bashkëpunimit dhe përcaktimin e rregullave dhe mënyrave brenda të cilave Institucioni i Komisionerit për Mbrojtjen nga Diskriminimi dhe organizata AMAD do të zhvillojnë marrëdhëniet e tyre të bashkëpunimit të ndërsjelltë, në kuadër të punës së përbashkët për promovimin dhe mbrojtjen e të drejtave themelore të njeriut në përputhje me standardet e njohura ndërkombëtare dhe legjislacionin e brendshëm.

## **Neni 2**

### **QËLLIMI**

Realizimi i veprimtarisë së përbashkët dhe të koordinuar për respektimin, forcimin dhe avancimin e mbrojtjes së të drejtave themelore të njeriut; procesit të menaxhimit të të kthyerve në vendin tonë, angazhimit institucional të të gjithë aktorëve shtetërorë të përfshirë në këtë operacion, si dhe sfidat e hasura në këtë drejtim; rritja e bashkëpunimit në drejtim të forcimit të zbatimit të legjislacionit në fuqi, të transparencës dhe të llogaridhënies; si dhe ndërhyrjen pozitive të institucioneve shtetërore sa herë që është e nevojshme.

## **Neni 3**

### **FUSHA E ZBATIMIT**

Marrëveshja do të zbatohet midis Palëve të lartpërmendura në fushën që përmban kjo Marrëveshje për të përmbushur qëllimin e saj.

Kjo Marrëveshje do të konsistojë në:

- 3.1 Bashkëpunimin në fushën e të drejtave të njeriut, diskriminimit, gjuhës së urrejtjes etj., duke marrë pjesë në aktivitete që rrisin ndërgjegjësimin e grupeve të synuara dhe të publikut në tërësi, mbi çështje me interes të përbashkët;
- 3.2 Përfshirjen nëpërmjet angazhimit institucional të përbashkët për ndryshime ligjore që lidhen me fushat me interes të përbashkët;
- 3.3 Njoftimin e njëri-tjetrit mbi raste konkrete që kërkojnë trajtim institucional;
- 3.4 Organizimin e aktiviteteve si dhe e eventeve të përbashkëta, apo të ftojnë për pjesëmarrje në konferenca me interes të përbashkët;
- 3.5 Përfshirjen në realizimin e aktiviteteve të përbashkëta në fushën e edukimit në komunitet, në institucione parauniversitare, universitare etj. mbi respektimin e të drejtave, parimeve të demokracisë, kohezionin social, promovimin e gjithëpërfshirjes dhe diversitetit.

## **Neni 4**

### **KOMUNIKIMI NDËRMJET PALËVE**

- 4.1. Palët angazhohen të mblidhen në mënyrë periodike, sa herë të gjykohet e nevojshme, por jo më rrallë se një herë në 6 muaj.
- 4.2. Palët do të caktojnë një person kontakti, që do të jetë përgjegjës për zbatimin konkret edhe në rrugë operacionale të Marrëveshjes së Bashkëpunimit, si dhe për shkëmbimin e informacionit lidhur me të.
- 4.3. Komunikimi ndërmjet palëve do të jetë në formë shkresore. Për rastet kur palët kërkojnë një informacion të rëndësishëm dhe urgjent për t'u përcjellë, komunikimi mund të bëhet dhe në mënyrë elektronike dhe verbale, por në çdo rast përmes personave të kontaktit.

## NENI 5 KOHËZGJATJA

- 5.1 Kjo Marrëveshje do të hyjë në fuqi në datën e nënshkrimit nga Palët.
- 5.2 Ndryshimet mund të bëhen me marrëveshje nga Palët nëpërmjet shkëmbimit të komunikimit me shkrim, duke saktësuar datën e hyrjes në fuqi.
- 5.3 Çdo mosmarrëveshje krijuar mbi interpretimin ose ekzekutimin e kësaj Marrëveshjeje do të zgjidhet me mirëkuptim midis Palëve.
- 5.4 Përveç parashikimit të paragrafit 1 të këtij neni, kjo Marrëveshje mund të përfundojë në çdo kohë nga secila palë, duke njoftuar paraprakisht 60 ditë para me shkrim palën tjetër.
- 5.5 Marrëveshja hartohet në gjuhën shqipe, nënshkruhet dhe protokollohet nga çdo palë dhe secila palë mban një kopje origjinale.

Për institucionin e

**Komisionerit për Mbrojtjen nga Diskriminimi**

Komisioneri Robert GAJDA



Për organizatën

**AMAD**

Voltiza PRENDI

Nr. prot. 17

Data 20.12.2022